

# ლიცეოს ცუხული საშუაო



საშუაის მუნიციპალიტეტის ბაზეთ „საშუაის მოამბის“ დამატება  
№1, 28 იანვარი, ორშაბათი, 2019 წელი

## რეცენზია

ოთარ ჩხეიძის კვერნაქიანა

ოთარ ჩხეიძის რომანი „კვერნაქი“ 1964 წელს, ყელქცეულაში დაინერა და ჟურნალ „მნათობში“ გამოქვეყნდა. არსებობს „ჩანაწერები, ანუ ეპიზოდები კვერნაქის ცხოვრებიდან“, რომელიც ავტორმა, 1965 წლის 16 დეკემბერს, მწერალთა სახლის პროზაიკოსთა სექციაში რომანის განხილვის შემდეგ გააკეთა. „ეს დღიური იმდროინდელი განხილვის ერთგვარი რეპორტაჟია, რომელიც შეიძლება, ნოველადაც ჩავთვალოთ“, – აცხადებს როსტომ ჩხეიძე. საერთოდ, საბჭოთა კრიტიკოსები, ოთარ ჩხეიძეს ხელისუფლების უშუალო დავალებითა და ჩარევით, არათუ აკრიტიკებდნენ, არამედ მისი რომანების გამოცემას ხელსაც უშლიდნენ, მაგრამ მწერალი მაინც ახერხებდა გამჭვირვალე ქვეტექსტებით მკითხველამდე მიეტანა მთავარი სათქმელი.

„1958 წლიდან მწერლობაში მნიშვნელოვანი ცვლილებები იწყება და ოთარ ჩხეიძის „კვერნაქი“ 50-60-იანი წლების საბჭოური რეალობა და ტრაგედია აღწერილი. ზოგადად, ოთარ ჩხეიძე მაშინდელ ფანტასმაგორიულ თამაშებში ჩართული არ ყოფილა და ამიტომ, ის არის მწერალი, რომელსაც შეიძლება, ენდო,“ – აღნიშნავს ფილოლოგიის დოქტორი ნონა კუპრეიშვილი. მისივე თქმით, ოთარ ჩხეიძის ნაწარმოებები მკითხველს „ძნელად კითხვის ბედნიერებას“ ანიჭებს. სწორედ ეს არის დიდი მწერლობა, რომელსაც მომავალში კიდევ უფრო დიდი ფასი დაედება, რადგან ოთარ ჩხეიძის შემოქმედება მხოლოდ კი არ გვაჩვენებს, როგორები ვიყავით, არამედ, გვაფრთხილებს, რომ ადამიანს უფლება არ აქვს, ცხოვრება ფუჭად განვლოს,“ – ასე ფიქრობს კრიტიკოსი.

„კვერნაქი“ ოთარ ჩხეიძის 24 რომანიანი ციკლის ერთ-ერთი წიგნია და გამოდის იმ პროექტით, რომელსაც ალ. ორბლიანის საზოგადოება ახორციელებს სახელწოდებით „მატიანე ქართლისაი“. გამოცემა ამერიკული ჯიბის წიგნების ფორმატით ქვეყნდება, რაც დამახასიათებელია უილიამ ფოლკნერის იოკნაპატოფას საგის გამოცემათა ერთი წყებისთვის.

ოთარ ჩხეიძის რომანები არ ქვეყნდება ისტორიული ქრონოლოგიის დაცვით, ცალკეულ წიგნთა გამოსვლას სხვადასხვა მოტივი განაპირობებს, თუმცა გამომცემელი ვარაუდობენ, რომ რომანების სრულად გამოსვლის შემდეგ, ისინი ისტორიული ქრონოლოგიით დალაგდებიან. რომანთა ეს ციკლი მოიცავს საზოგადოებრივ-პოლიტიკურ სინამდვილეს XX საუკუნის 50-იანი წლებიდან XXI საუკუნის დასაწყისამდე. ეს გახლავთ საქართველოს ცხოვრების დრამატული მიმდინარეობა ყოველგვარი შემკობა-შელამაზების გარეშე, ისე, როგორც ნამდვილად იყო. ეს რომანული მატიანე მეტად საინტერესო იქნება როგორც ისტორიკოსებისა და ლიტერატორების, ასევე სოციალურ-პოლიტიკური დარგის მკვლევართათვის, ცალკეული ისტორიული მოვლენისა თუ ეპიზოდის წარმოჩენა – გაანალიზებისათვის. ამ ქრონოლოგიის გათვალისწინებით, „კვერნაქი“ ადგილს დაიმკვიდრებს რომან „აღმართ-დაღმართსა“ და „ლანდებს“ შორის.

რომანის სახელწოდება „კვერნაქი“ უძველესი დროიდან მომდინარეობს და გორის ერთ-ერთი უბნის ტოპონიმს უკავშირდება. ეს ადგილი ბორცვიან - დაბალმთიანი სერია. კვერნაქიანა – კვერნის ქვეყანაა, რადგან აქ თურმე უამრავი კვერნა ბინადრობდა.

რომანს ეპიგრაფად ერთვის დავით აღმაშენებლის სტრიქონი „გალობანი სინანულიდან“: „ვნებათა ბილნთა მონებად მივჰყიდე თავი, რამეთუ რომლისგანაც ვინ ძლეულნი არიან, მისდაცა დამონებულ არნ“. მთავარი სიტყვები და რომანის მორალური კოდექსი ამ ციტატაში ხშიანდება – სიბილნესთან დაწყვილებული სული ძლეულ და დამონებულ იქნება უკუნისამდე. დავით აღმაშენებლის ხსენება იმაცა უპრიანია, რომ ქალაქად გორის მოხსენიებას, მემატეიანი დავით მეფის სახელს უკავშირებენ. (ამ ფაქტის გამოძახილია გორის სასწავლო უნივერსიტეტში უკვე ტრადიციად დამკვიდრებული დავით აღმაშენებლის ისტორიულ – ეთნოგრაფიული

ყოველწლიური კონფერენციის გამართვა). ისიც ცნობილია, რომ გორის კარალეთში, იგივე ნაჭარმაგევში, ქართველ მეფეებს სააგარაკო სახლები ჰქონდათ. წყაროები გვამცნობენ, რომ დავით მეფე-აღმაშენებელმა გორში ისტუმრა შვიდი მეფე. გადმოცემით თამარ ნეტარიც აქ გახდა ავად და საკაცზე დასვენებული თბილისს ჩაიყვანეს (მოსე ჯანაშვილი).

ვახუშტი ბატონიშვილი მიუთითებს, რომ „კვერნაქი“ არის მთა კუხეთისა, ანუ ან მთა ზედაძნის მიბმულ არს მთასა სარკინეთსა, რომელსაც კვერნაქადაც უწოდებენ, თვინიერ განკვეთისა არაგვისაგან, ამისათვის უწოდებენ გონბრის მთასაცა ქისიყამდე კვერნაქად“. („საქართველოს გეოგრაფია“; 1904 წ; 130 გვ.)

ოთარ ჩხეიძე ერთგან წერს: „მწერალი მხატვარია პირველყოფისა, ოღონდ მემატეიანეცაა ეპოქისა, იმავე დროს“. ამიტომაც მწერალი თავს ასე ივალდებულებს: **„შეძვერი ცხოვრებაში, რაც შეიძლება ღრმად, პატარა ჭუჭრუტანა გამოიტანე. და იქედან უცქირო ქვეყანასა“**. მის ასეთ აქცენტირებულ ნათქვამს გულით დაეჯერება, რადგან აღნიშნული პერიოდიდან, ლიტერატურის ისტორიას ბევრი არ შემორჩენენ გულით მხედნი და მართალ – მჭვრეტნი. მწერალი დინჯად გვიყვება უკანასკნელი საუკუნის გრძელ ამბებს, ჯერ თვითონ უგდებს ყურს საკუთარ ნათქვამს, მერე მკითხველს ასმენინებს. თხრობის დინამიკითა და სტრიქონთა მხოლოდ მისთვის დამახასიათებელი მუსიკით, მკითხველსაც აიყოლიებს; კითხვისას ერთი თავისებურებაც იკვეთება, მისი პროზაული ტექსტის უჯრედებს ვერ გამოტოვებ, რადგან თუ რომელიმე გვერდს გადაახტი, აუცილებლად დაკარგავ რაღაც ღრმასა და მნიშვნელოვანს, ამ გამოტოვებული ფრაზისა თუ აზრის აუცილებლობას კი მაშინ მიხვდები, როცა მწერლის ნაფიქრი სრულად არ გაგეხსნება. ასე რომ, რომანი „კვერნაქი“ გონისა და თვალის „ნათამამებისთვის არის“ დაწერილი და არა გადათვალეირებისთვის.

რომანის მთავარ სათქმელს ეპიგრაფის გარდა, სხვა სტრიქონებშიც ამოვიკითხავთ: „უშბიდან ხომ მწვერვალნიცა პატარავდებიან, კვერნაქიდან – ადამიანებიცაო“. მწერალი სინანულით ფიქრობს თავის გმირზე, რომელმაც ვერ შეძლო ყოფილიყო ამაღლებული და სულის მწვერვლების დამპყრობი. ამ ცხოვრების კრებულში, ისე როგორც საჭადრაკო ამოცანათა წიგნში, ყველას თავისი ამოცანა აქვს, ყველამ თავისი პარტია უნდა წაიკითხოს და უშეცდომო სვლა უნდა გააკეთოს, რომანის მთავარმა გმირმა ეს ვერ მოახერხა.

რომანი „კვერნაქი“ მოგვითხრობს პერსონაჟ სანდრო ბონიძეზე, რომელმაც რომ ცხოვრების კრებულში თავისი არსებობის სწორი აზრი ვერ ამოიკითხა, ანუ ჭადრაკის პარტიებივით ცხოვრების ნიუანსები შეუცდომლად ვერ გათვალა, ისე კი, უყვარდა და კარგადაც თამაშობდა ჭადრაკს ეს მით გულდასაწყვეტია, რომ მწერალმა საგანგებოდ ყველა საადამიანო პირობა შეუქმნა გმირს, რომ ცხოვრებასთან ღირსეული მეტოქეობა მოეხერხებინა. მთავარი გმირი ბონიძეა – მას მოლაპარაკე ქართული გვარი აქვს. გვარის მინიჭებითაც მწერალი ზუსტად ხსნის, იგი მხოლოდ კაცია თუ ადამიანი! ისტორიულად, 1919 წელს შექმნილი ქართული ბონიძე დროებითი გადახდის საშუალება იყო. სანდრო ბონიძე, თითქოს გვართაც დროებით თავშესაფარშია შეხიზნული. 36 წლის მიჯნაზე მყოფს, ეს ცხოვრება ასევე დროებითი მეუღლეების შერთვაზე ზრუნვა და ფაციცი ჰგონია. სხვანი, ჩვეულებრივი მოკვდავნი, თავის ტოლად არ მიაჩნია და ბაირონისა და დანტეს ასაკს, მათ ოცდათექვსმეტს ეტოქება, მათ მხარდამხარ მსჯელობს და ფილოსოფოსობს. იმასაც კი დაიბუჯივებს, შოთამ 36 წლის ასაკში დაწერა „ვეფხისტყაოსანიო“. თამადის შეგონებისა არ იყოს, თვითონაც ამოისურვილებს, 36 წელი მიჯნაა და ამ ასაკში თუ არა, შემდეგ სერიოზულს ვერაფრს მიაღწევს ადამიანიო. სხვათა შორის, მთავარი პერსონაჟის გვარი თავდაპირველად, ცხოიძე იყო, მაგრამ ზოგიერთმა კრიტიკოსმა გვარი (ცხოიძე-ჩხეიძე), ავტორის ალტერ-ეგოდ აღიქვა. ამიტომაც, 1987 წლის გამოცემაში, ოთარ ჩხეიძემ თავისი გმირი გადაავგარა...

სანდრო ბონიძეს სახლი მალა კვერნაქზე უდგას. ჯერ ყოჩაღად არის და თავისუფლად ადის ამ სიმაღლეზე, ჯერ ვაჟკაცურად უცემს გული, სულაც



კვერნაქულადა! აქედან უყვარს „ჩაპატარავებული ქალაქის“ ცქერა, თვალთვალს; იქვეა მისი სამზერი – პატარა ფანჯარაც, რომელიც უცნაურ მიკროსკოპად თუ ტელესკოპად ექცა; აქედან ჭვრეტდა ყველაფერს. საბას მიხედვით: „ჭვრეტა არს რა ხანგრძლივით დაკვირვებით უმზერდეს რასმე; ჭვირობა არს რა სარკმლით გარ გამოიხედვიდეს“. აქედან არც წვივების ზომა გამორჩებოდა და არც კოჭის დახრილობა. იცნობდა უკანასკნელ მოდას, არც ვარცხნილობის მოდის ცვალებადობა გამოეპარებოდა. ასევე უყვარდა ჭადრაკი, ჰყავდა ჭადრაკის მეგობარი და ამ მეგობრის ცოლი, რომელიც მისი ორი ქორწინების მეჯვარეც იყო; სანამ გაიგებდით რაზე კამათობდნენ მეგობრები, მყარი მოგვიწებოდათ მათი მეგობრობა. საკამათო კი ნამდვილად ჰქონდათ: რისი დარგი იყო ჭადრაკი – ხელოვნების, მეცნიერებისა თუ სპორტის. ალბათ, ეს კამათი და მეგობრობაც გაგრძელდებოდა მანამ, სანამ მკვეთრად არ გამოიწვინდნენ და ადგილს არ მიუჩინდნენ ჭადრაკის მღერას.

რომანის დასაწყისში სანდრო ბონიძე 36 წლისაა. თამაღისაგან შემოთავაზებული 36 წლის, უფრო კი ასაკის, სადღეგრძელო მან თავისებურად განავრცო და „განუსაზღვრელი სიცოცხლის“ სადღეგრძელო შემოგვთავაზა. მისი მსჯელობით, შოთას „ვეფხისტყაოსანი“ კი არა, „შუშანიკის წამება“ 36 წლის მარჯვენის დაწერილია. მართალია, სიბერეშიც ბევრი რამ შეუქმნიათ, მაგრამ რაც მერე შექმნილა, ეს ნაგვიანვე იცდათექვსმეტისაო.

ყველას თავისი „მოდარიელი“ ანუ თავისი სულის ტოლი ჰყავს, ყველა თავის ვილაცას ელოდებოდა და სანდროც ელოდა; მალე უნდა დასმოდა ნერტილი მის სიმარტოვეს. ცხოვრებაში მფარველი არ ჰყოლია. არ უგემნია მფარველის მეშვეობით გავლილი გზის სიადვილე. შეუძლია ამითი იტრაბახოს, თავი „მოიამაყოს“ კიდეც, როცა სასახლკარე მამული ითხოვა, ქალაქის საბჭო დაბლა, ძველ სასაფლაოზე სჭრიდა ადგილებს. ახალი სასაფლაო ზევით კვერნაქზე აეტანათ. ასე გაჩნდა რომანში ტოპონიმიკა მალა-დაბლა კვერნაქიც. პროფესიით მშენებელი სანდრო, საამშენებლო ტრესტში მუშაობდა და სახლი თავისთვისაც აიშენა. ერთი რამ მაინც ვერ გაითვალისწინა, უღვთო დროში დაბადებული გირი ვერ მიხვდა მადლისა და რწმენის უპირატესობას. ერთ-ერთი საფლავის მარმარილოს ჯვარი სანდროს სახლის საძირკველში ჩაეტანა. ჯვარს არც პატრონი გამოუჩნდა და არც აღმრიცხველი, რომ დროულად გაეტანათ. საძირკველში ბეტონის ჩასხმისას ძველი „მოიზღვლა“, თავდაყირა დაქანდა და ძვრაც ვერ უყვეს, ვერ ამოიღეს, ასე აშენდა ახალი სახლი ძველი საფლავის მიცვალებულთა ჩონჩხებზე და ჯვარიც ასე ჩაეკირა და ჩაეშენა მის საძირკველს. ნაცვლად იმისა, ეკურთხებინათ სახლი და ჯვარი გადაესახათ, რომ მობინადრეს ჯვრის ძალა, უფლის მადლი და მფარველობა მიეღო, ასეთი უცნაური ბედი დაჰყვა. ადამიანს ხომ მარადუამს ესაჭიროება უფლის მფარველობა. სახლის კურთხევით ბოროტი ძალები იდევნებიან და ისადგურებენ ფუძის ანგელოზები. თუ სახლში სიმშვიდე და სინყნარეა, მაშინ ეს ანგელოზები იქვე რჩებიან. სახლის კურთხევისას, ხომ კურთხევანში არსებული სპეციალური ლოცვები იკითხება, მაგრამ სანდრო ურწმუნო ადამიანია, ნეს-ჩვეულებანი, ადათი, კულტურა, რაც ადამიანს ამ ნუთისოფელში ანმყოს შეამეცნებინებს და მომავლის სიკეთეს განუსაზღვრავს, მას აინუნშიაც არ მოსდის; არ იცის, რომ წინაპართა საძვალე წმიდათაწმიდა ადგილია, რომ მას დაცვა სჭირდება. მისი სული მხოლოდ ყოფითი ცხოვრების დეტალებით არის შეკონინებული, ამიტომაცაა, რომ ახალი ოჯახის შექმნის იდეასაც „მონდომებული დაუდევრობით“ ეკიდება. სამი მეუღლიდან არცერთის გვარი არ არის მკითხველისათვის ცნობილი, უგვარო, უმზითვო და უქორწილო პატარძლები მოიყვანა შინ. ამიტომაც, ასევე ადვილად და უპასუხისმგებლოდ ეყრება და იშორებს მათ. მის პატარძლებსაც არა ჰყავთ ცხოვრების სწორად გამკითხავ-შემცნობი და გულშემატკივარი პატრონები. სანდროს პირველი მეუღლე, მაგდა, მიხეილ ჯავახივილის პერსონაჟს, მარგოს გვაგონებს. მაგდაც სპეტაკია, აზრიანიც, ლამაზიც და ოჯახის მომავალიც მარგოსავით ეიმედება, ისიც, მარგოსავით გარედან უტრიალებს ქმრის სამუშაო ოთახის კარს, თავიდან ჰგონია, რომ იქ „იდგა ატმოსფერო მაღალი გონებრივი შრომისა“, კარს ფრთხილად მიადგებოდა და ასევე უჩუმრად გაეცლებოდა; მწერალი გვიმხელს, რომ ამ ოთახს მიდარაჯებულ „სოსანისფერ, წითელ ფორებიანი ოთახის ქოშების პატრონს“ ლაპარაკი სწყუროდა, მოფერება და ალერსი ენატრებოდა. მისი მეუღლე კი ამ დროს სამუშაო მაგიდას გადასწოლოდა და ემალებოდა თანამეცხედრეს. თუ თეიმურაზ ხევისთავი საჭირობოროტო სტატიებს წერდა და საქვეყნო საქმეებით მართლა დაკავებული იყო, სანდრო ბონიძე ბედოვლათობდა და მნიშვნელოვანს არაფერს თხზავდა. მისი შემოქმედებითობა და მოგონილი, ვითომ დაკავებულობის სინდრომი მკითხველის თვალში ღირსებასა და პატივს ჰყრის მის პიროვნებას. სანდროს ჟურნალისტური მოღვაწეობაც მისი არშემდგარი ალტერ-ეგოს გამოძახილია. საბჭოთა ადამიანი კოლექტიური ქონების მფლობელი იყო და ამაზე წერდა კიდეც. თუმცა, სანდრო ამ საქმიანობაშიც არ იყო თავისუფალი, აქაც რედაქტორზე იყო დამოკიდებული, რომანში მრავლად არის მისი არშემდგარი ჟურნალისტური საქმიანობის ეპიზოდები. იგი არც

ლალისთან, მეორე მუღლესთან, თანაცხოვრებისას იცვლის წირს, მაგრამ ლალი შემტევი, უშიშარი, მომთმენი და მომთხოვნიც აღმოჩნდა. თუ მაგდა მუშაობაში ხელს არ უშლიდა, სულაც პირიქით, ყავასაც უდღუღებდა და ფეხაკრეფით შეუტანდა კიდეც, ლალი ასე არ ანებებდა, ხმამალა საყვედურობს, ნეტავ, რას წერ ამდენს და საერთოდ, ვინა ბრძანდებიო!

ქალი პერსონაჟები სანდროს ხასიათს ზუსტად ძერწავენ, თუმცა არც ამ პერსონაჟების ღირსებებზე სანდროსეული აქცენტები განაწყობს მკითხველს მისადმი საკეთილოდ. სანდროს დიდად არ ანაღვლებს, რომ არცერთი მეუღლე მასთან ბედნიერი არ იყო. არც თვითონ გრძნობდა მათთან ოჯახურ სიმშვიდეს; მისი სახლის საძირკველში მარმარილოს ჯვარია ჩატანებული. ჯვრის ასე შეურაცხყოფამ მისი ოჯახის მომავალი განსაზღვრა. ნაცვლად იმისა, რომ სახლთანგელოზობა მოეწყო, ფუძე-კერა დაელოცა და ლოცვაში დაუნჯებული საკრალური სიტყვების მადლი არ გამოლეოდა, მისი სახლის ბნელ კუნჭულებს ჩონჩხები და ლანდები ეპატრონებიან. სხვენშიც ჩონჩხები ისადგურებენ, ისინი მთელ შენობას მოედებიან, სასთუმალთანაც ჩამოსხდებიან, გალაღდებიან და სხვას თუ კიდეც რას ჩაიდენენ, მწერალი ამაზე კრინტს არ ძრავს, სხვა რამ სასაფრთხოს რომანულად არ დაუნერს. დაინდობს თავის გმირსაც და მკითხველსაც, თუმცა დასძენს: „**მიცვლებულთა სითბოს ინახავენ ქვები საფლავისა, ის სითბო მოდის... და თუ ეს სითბო ცოცხალთა გულის სიცივეს შეერთვის და არა მათ სითბოს, შურისმაძიებლობის მაგვარი მისტერია ყალიბდება.** საკვირველია, იმ ღვთისმგებოებელ დროს, თვით მწერალის გადარჩენილი სულის პოზიცია, რომელიც თავის პერსონაჟსაც ათას მინიშნებასა და რჩევას სთავაზობს გადასარჩენად, რადგან იცის, რომ დაწყვეტილ ფუძეზე გირი ვერ იხარებს და ოჯახი ვერ იხეირებს.

რომანში დგას სულიერი და ზნეობრივი „სამოსის ტარების“ პრობლემა, რადგან ეს უკანასკნელი ყველა დროში ძნელია, ისევე როგორც, კაიკაცობის ქუდის მორგებაა ძნელი. კარგად ახსოვდა სანდროს ბავშვობის წიგნებიდან, „მამის ქუდი ვერ დაიხურა ვანომაო, ქუდში ჩაიკარგაო“. ოღონდაც მამის ქუდში ნუ ჩაიკარგებოდა და თვითონაც ეძებდა ცხოვრების აზრს, არჩევდა ქალებს, უნდოდა ოჯახს მოკიდებოდა და ქმრობის ბორკილი დაედო ქედზე, მაგრამ მოგეხსენებათ, „ემმაკი წყლისფერიაო“ და ცხოვრების უახლოესი ამოცანის ამოხსნის წყურვილით, სანდრო ბონიძემ ჩქარ-ჩქარა წაიკითხა თავისი ბედის წიგნი. ამ სიჩქარეში კი ბევრი რამ გამოჩნდა. მომჭირნე და ძუნწ ცხოვრებას ჩვეულმა, გაუთვლელი ანგარიშით იწყო მეუღლეობრივი კავშირები. თავიდან ეგონა, სიკეთე დაიძრაო, მაგრამ მატერიალური სამყაროს ანაბარა დარჩენილს, თავ-გზა აებნა, ქონებრივი კატეგორიებით მოაზროვნემ, ვერავისთან ჰპოვა სულიერი ნათესაობა, ვერ შეიცნო სულთა კავშირი, შოთას პოემისა არ იყოს, ვერ „შეერთო სულთა სირას“. სანდრო ბონიძე თავისუფალად ირჩევდა საცოლეებს, იკლავდა ჟინს და შემდეგ ეყრებოდა, აბუჩად იგდებდა მათ ადამიანურ ღირსებებს, მოიბეზრებდა და ახლა მომდევნოს იტყუებდა ცოლ-ქმრობის უღელში. თუმცა კი, ბოლოს, მიეზლო ამ სიავების გამო.

მწერალი გმირს სტრიქონ-სტრიქონ გვიხასიათებს: შვილი არ ეძლეოდათ, მაგრამ არ ნაღვლობდა, „დიდად ვერაფერი გაეგებოდა პატარებისაო“, ან „რომელი ლუარსაბ თათქარიძე ის იყო, მკითხავები შეეჯერებინოს, თელეთი მოეველოს, კენჭი გადაეყლაპოს და მაინც არ მისცემოდეს შვილი“. კენჭის გადაყლაპვის ტრადიციას, აუცილებლად მამადავითობის დღესასწაულთან მივყავართ, რომელიც ამაღლების მომდევნო ხუთშაბათს აღინიშნება. თეთრსამოსიან ქალთა ფეხშიშველი მარაქა შეუყვებოდა მამადავითის აღმართს, სამჯერ შემოუვლიდნენ გარს ეკლესიას, რიტუალის ნაწილი საძირკველზე კენჭის მინებება იყო, თუ გაჩერდებოდა და მიეკრობოდა, ეს ბედნიერების ნიშანი იყო. მწერალი რომანის ფინალისთვის გვამზადებს; არის გარკვეული პარალელი შვილის შექმნის გამო ლურასაბის მოგზაურობასთან; როცა სანდრო და მისი პირველი მეუღლე, მაგდა, თბილისში ექიმებს მოივლიან შვილიერების სურვილით. სამი მეუღლიდან პირველს არ აცალა შვილოსნობა დამდგარიყო, ერთ წელიწადში გაეყარა, მეორეს – ლამის განზრახ მოაშლეინა მუცელი, თუმცა მაინც დაინდო მწერალმა ბონიძე, თათქარიძისაგან განსხვავებით, უშვილძიროდ არ გადააშენა. მაგრამ შვილის ნახვის ღირსი არ გახადა. სამუდამოდ გამოაცილა საკუთარი სახლიდან სულიერად გადაგვარებული და თავისი მესამე მეუღლისგან გაჩენილი პირველი შვილის უარმყოფელი.

საკუთარი ვაჟიშვილის დედას სამშობიაროს ვესტიბულში მოუწერა ხელი. ხელი ვაჟიანობისას მოვანეროთო – ცერემონიალი, რომელსაც მაგდას შეჰპირდა, გურანდასთან შედგა. თუმცა ესეც ახალი პირობების გაუთვალისწინებლად და დაუფიქრებლად გამოუვიდა. ამ აქტსაც ნანობს ბონიძე, მაგრამ „ნეტავი რომელი კაცი შეერთავს ცოლს, თუ არ მოტყუვაო“, – ზომიერ ირონიას მიადვენებს მწერალი „კვერნაქის“ გმირს.

ამ რომანში მწერალი ხელების ხატვის დიდოსტატიცაა. რომანში „**ხელები ლაპარაკობენ და ხშირად იმას ლაპარაკობენ, რომ ხელებში თავს იყრის ადამიანის სულიერი ავლადიდება. ხასიათის სილამაზე თუ სიმახინჯე სულისა, ხელებში ცნაურდებო**“, ამიტომაც, უდიდესი მხატვრები და მოქანდაკენი დიდი გულმოდგინებით ეკიდებიან ხელების გამოძერწვას.

როდენი მონაფედაც არ აიყვანდა იმას, ვისაც ხელის ჩამოქნა არ ეხერხებოდა. იაკობ ნიკოლაძე როდენის მონაფე იყო, სახელოსნოში ინახება მის მიერ გამოძერწილი საკუთარი ხელი... ხელები უყვარდა, ხელებს ისეთი გულმოდგინებით ძერწავდა, როგორც პორტრეტებს. აკადემიაში იგი სუდენტებს ხშირად თურმე ერთმანეთის ხელებს აძერწინებდა.

ფრესკის ოსტატებიც ხელებით იწყებდნენ მოხატვას, თვით წმინდანებიც ხელებით გამორჩეულან. „ხელებიც ვითარცა წმინდანნიო, – თითქოს სანთლებად ანთია, თაფლის სანთლებადა. ლამაზი ხელი, ლამაზი სულია, ლამაზი ხელი, ლამაზი ქალიაო. ასე ამბობენ და ასე მეტყველებენ, ისე ირხვეიან, ის მიმზიდველად, ისე მომხიბლავადა“.

გაშლილი მარჯვენა ხელის მტევანი მზის სიმბოლოა. საინტერესოა ხელის მტევნის სიმბოლიკა გურამ დოჩანაშვილის „სამოსელი პირველში“: „მამა მდუმარებით უგდებდა ყურს. მისი წაგრძელებული, თითქოს გადატეხილი ხელი ბარბაცებდა, კვარის სუსტ ციმციმს აყოლილი... მაგრამ დაჭიმული მარჯვენით კვარი ეკავა და რაღაცას ფიქრობდა (დოჩანაშვილი, 2011; 84). სახლს მოშორებულ დომენიკოსაც მამის გრძელი ხელის მტევანი ახსენდება და მხარზე მის მძიმე მარჯვენასაც გრძნობს თითქოს. ამგვარად ჩნდება დომენიკოს ფიქრებში მამა. ქართულ მართლმადიდებლურ ხატურაშიც, სხეულის სხვა ნაწილებთან შედარებით, განსაკუთრებული აქცენტი ხელის მტევანზე კეთდება, იგი არაპროპორციულად წაგრძელებულია; წმინდანების შემთხვევაში, ის ვედრების გამოხატველია; მამა ღმერთისა და მაცხოვრის შემთხვევაში – ეს მაკურთხებელი ხელია; ხელი უფლის ხმის, უფლის წყალობის შესატყვისია. ხელის მტევნის სიმბოლოსთან არის დაკავშირებული დუმის სიმბოლიკაც. ეს ორი სიმბოლო ურთიერთდაკავშირებულია რომანში, მამა უმეტესად მდუმარე და უსიტყვოა; „დომენიკოსთვის იყო სიჩუმე, მხოლოდ სიჩუმე და ჯვრის ალის სუსტი რწევა, მერე კი მამა“.

ოთარ ჩხეიძის ესთეტიკა „კვერნაქში“ მთავარ გმირს, სანდრო ბონიძეს მიემართება, რომელიც ხელის მტევნების შემგრძნობია. ლალის, თავის მეორე მეუღლეს, ნესტიანი ხელისგულებით აღიქვამს. მერე მისი ხელი ხელთ ეყრა. ელამუნებოდა და ხელისგულებით გულვობდა მისი ხელების თანხმობას.

ულამაზესი ხელის მტევანი და თითები აქვს დიანას, და ალბათ, არ არის მოულოდნელი, რომ ხელის სილამაზის შემცნობი სანდრო დიანასთან გრძნობს სულიერ ერთობას, ეს ქალი აღმოჩნდება მისი სულის სწორი. თუმცა, მასთანაც არ უწერია ბედნიერება, რადგან არც დიანასთვის არის ოჯახი ციხე-სიმაგრე და წმინდა ადგილი. იგი სხვისი ხასაა და სანდროს სახლში ისე შემოდის, არ იცის მისი ოჯახური სტატუსი. თუმცა, დიანას ათქმევინებს მწერალი მთავარ სიმართლეს: „სანდრო მაცდური კი არა, მსხვერპლიაო“. მართლაც, თავისი საუკუნის ათეისტური იდეოლოგიის მსხვერპლია სანდრო.

ოთარ ჩხეიძის პროზის მკვლევარები განსაკუთრებულ ყურადღებას მის ლექსიკაზე ამახვილებენ. მწერალმა უამრავი მივიწყებული სიტყვა კვლავ ახალი მადლით შემოიყვანა სიტყვათა ქართულ ოჯახში და მათ წინადადებებში ზუსტი ადგილი მიუჩინა. გთავაზობთ მისი „ფრთიანი კალმის“ მარგალიტებს, რომ უფრო გულამდე ვიგრძნოთ ეს სიტყვები და ზოგჯერ წინადადებანიც კი:

„აზამბარი მიირთვითო“, – წერს ერთგან, – რაც შემოსტუმრებულის, დაგვიანებული სტუმრის სუფრის სხვა წევრებთან გასათანასწორებლად მირთმეულ ღვინის სასმისს ნიშნავს;

„ქოცოებიც იქნებოდა აუზთან“ – აღსანიშნავია, სხვადასხვა ფორმისა და ზომის ქვევრს ერთი საერთო სახელი არ ექნებოდა, არამედ ყველა ჭურჭელს თავისი შესაბამისი სახელები ერქმოდა. ამ მხრივ, ძალზე საინტერესო ცნობებს ვხვდებით სულხან-საბა ორბელიანის „სიტყვის კონაში“: „ხოლო ესე ჭური, საცავი ტყბილისა, განიყოფებიან, რამეთუ დიდთა ეწოდებიან ქვევრი და მისსა შედეგსა – ყვიბარი და მისსა უმცროსსა – ქოცო, არამედ ყოველივე ჭური არს“;

„მოიგულისჭირა“ – გულიდან დარდი ამოიღო;

„აფუტკნა ძველი გაზეთები“ – ანუ არივ-დარია, ბევრი ეძება;

„ქვეები კორიკობდა“ – ფეხქვეშ ქვეები უცურდებოდა.

„სარისტა“ – თადარიგი, წესრიგი, საზრიანობა;

„სართიც დაადო ვალადა“ – სართი, ვაჭრობაში (რაიმეს რომ ცვლიან) დანამატი, ზედმეტი;

„სურნელი დასდევდა დაკბენდილი“ – გამორჩეული სურნელი ჰქონდა, მხოლოდ მისთვის დამახასიათებელი;

„დაჰყვებოდა ნალოსავითა“ – როგორც მძიმე ტვირთი, თრევით მისატანი, როგორც ხარებისთვის, ასევე კაცთაგან. ზოგჯერ დაღმართში მოუბამდნენ დატვირთულ ურემს, რომ არ დაქანებულიყო; ფიჩხის ნალო;

„კბილი მოეჭრება ქარსა“ – ჩადგება, ჩანყნარდება ქარი;

„მოიხდის სიცხადის ვალსა“ – ნათელს მოჰფენს, ცხადს გახდის;

„იელად მოედო ნათქვამი“ – მრავალმნიშვნელოვანი ამბავი გაისმა, გაჟღერდა;

„ღურღუმებს ეძება“ – ღრმა ადგილი, თევზის თავმოყრისა, ჯილე;

„არ მოიცადა ამ ოლოხმოლოხში“ – არეულობაში არ გაჩერდა.

რომანი ხუთი ჩამოქნილი სტრიქონით მთავრდება: „ეგება პირველი პოეტი თამადა იყო“ – ჩვენ დავსძენთ, იქნებ სულაც პირიქით, პირველი თამადა თუ იყო პოეტი! თანამედროვენი კი მადლობელნი ვრჩებით ოთარ ჩხეიძისა, რომლის 1964 წელს დაწერილი რომანი „კვერნაქი“ დღესაც გვაკითხებს თავს და კვლავაც აქტუალურია. მთავარი გმირი რომანისა, სანდრო ბონიძე კი, მაცდური კი არა, უფრო მსხვერპლია ურწმუნო იდეოლოგიისა, რადგან მან ვერ შეძლო საკუთარი ზნეობრივი მრწამსის შენაჩუნება, ვერც გადარჩენილი ზნეობრიობის ნაფლეთები მოიგრო რიგიანდ და ვერც მისი დაცვა მოახერხა, ცხოვრება თაბაუთშიც არ ჩააგდო – ანუ საზრიანობა და ანგარიშიანობა ვერ გამოიჩინა. დიახ, ავ-კარგი ვერ გაარჩია და ამ ესთეტიკითაც ვერ დაგვამახსოვრა თავი. ნუ დაგვაინყვდება სახარების სიტყვები: „რა სარგებელ არს კაცის, უკუეთუ სოფელი ყოველი შეიძინოს და სული თვისი იზღვიოს? ანუ რაი მისცეს კაცმან ნაცვლად სულისა თვისისა?“ (მათე 16, 26);

„კვერნაქის“ მრავალ ღირსებათაგან გამოსარჩევია რომანის კომპოზიციური მთლიანობა: პირველი თავი, ისევე როგორც ბოლო, XXV-ე, სუფრასთან თამადის სადღეგრძელოთი იწყება და მთავრდება. „36 წლის ასაკისა და კვერნაქისა“ არ იყოს, დამაფიქრებელია თამადის მიერ წარმოქმნილი სადღეგრძელოებიც და მისი შემართებაც, როგორი აკადემიზმითა და არისტოკრატიული ქვეშევრდომობით იმორჩილებს იგი სუფრასთან მსხდომ სხვადასხვა ზნე-ხასიათის თანამეინახეებს.

ოთარ ჩხეიძეც ამ რომანის თამადაა, ისიც სხვადასხვა გმირთა ხასიათის არქიტექტორია. შთაგონებული ფიქრობს და მათთვის ლაღადებს ძველისძველი პოეტიკით, ზუსტად იმდაგვარად და მაშინდელივით, როცა, ჯერ კიდევ, წერა რომ არ იცოდნენ და სახელდახელოდ, სუფრასთან თხზავდნენ სათქმელს კეთილ გამგონათვის...

თამარელა ნონორია – ფილოლოგიის მეცნიერებათა დოქტორი, პროფესორი

„ლიტერატურული მესხეთი“ 20 წლისაა

ორი ათეული წელი გასულა მას შემდეგ, რაც საქართველოს ძირძველ მიწაზე, მესხეთ-ჯავახეთში, კიდევ ერთი ბექვდითი ორგანო „ლიტერატურული მესხეთი“ დაარსდა.

„მესხეთი არის აკვანი საქართველოს დიდებისა“ – უთქვამს მოსე ჯანაშვილს და, რაოდენ საამაყოა, რომ ამ აკვანს ღირსეული მარჯვენით არწევს ისტორია და ლიტერატურა ამ კუთხისა და, ზოგადად, ჩვენი ქვეყნისა. ოცი წელი ცოტა არ არის იმისათვის, რომ ღმერთების ენაზე აამეტყველო გაზეთი. მით უმეტეს, ისეთი წარსულის რეგიონში, როგორც სამცხე-ჯავახეთია. იქ, სადაც ქართულმა ენამ, ქართული სარწმუნოებისა და ქართული კულტურის ბედი გაიზიარა. სადაც, ერთ დროს, გაბატონებულმა ისლამმა მაჰმადიანური ფანატიზმის ჭაობში ჩაძირა ქართული, მებრძოლი სული. იქ, სადაც, თალიან ცარგვალს ნახევარმთვარის დალი დღემდე აქვს. სწორედ აქ, შოთას სამშობლოში უნდა დაბადებულიყო ლიტერატორთა სუნთქვით და სიყვარულით გაჯერებული გაზეთი „ლიტერატურული მესხეთი“, ნიშნად „ჰადესების სახლების“ არსაჭიროებისა.

ვულოცავ სრულიად საქართველოს, ჩემს მესხეთს ამ ღირშესანიშნავ თარიღს, რომლის ლიტერატურულ წიაღში დაბრუნების შესაძლებლობა, სწორედ, „ლიტერატურული მესხეთი“-ს საშუალებით მომეცა. გულითადად ვულოცავ მის დამაარსებელს, მწერალსა და ჟურნალისტს, ბატონ მერაბ ბერიძეს და მთელ შემოქმედებით ჯგუფს. ისინი, ოცი წელია, ღირსეულად, მუხლჩაუხრელად ემსახურებიან ქართული სიტყვიერების საპატიო საქმეს, იცავენ ენის სინამდის, რომელიც, როგორც ილია II ამბობს „...არის მუსიკა, მაგრამ არა მინიერი, არამედ ზეციდან გარდამოსული სულიერი მუსიკა, იგია ჩვენი ერისა და ქვეყნის გადამრჩენი.“ სწორედ, ამ ადამიანების დამსახურებით გაზეთი რეგიონის ლიდერად იქცა. „ლიტერატურული მესხეთის“ ფურცლებზე მოთავსებული შინაარსი იმდენად მრავალფეროვანი და ტევადია, რომ ნებისმიერი მკითხველის გემოვნებასა და ინტერესს აკმაყოფილებს. მინდა, აგრეთვე, მივულოცო გაზეთის თანადამაარსებელ, უკვე მრავალ თაობათა აღმზრდელ სამცხე-ჯავახეთის უნივერსიტეტს. მათი კეთილგონივრული თანამშრომლობა ხელს უწყობს რეგიონში იდენტობის შენარჩუნებას, კულტურისა და მეცნიერების აღორძინებას. კიდევ ერთხელ გილოცავთ! გისურვებთ ერთგული მკითხველის სიმრავლეს. არ მოგკლებოდეთ უნარი სიცოცხლისა და ობიექტურობისა, მრავალჟამიერ!..

კლარა გელაშვილი

# ლექსები გაზღისფერია ღლიურიდან



## სკივრი

დამისველდა და გავამზიურე  
ფიქრების მძივი, ურიცხვთა შორის,  
ყველა ტკივილი ტკივილს იურვეზს,  
ღრუბელი, ამ გულს, გარს უვლის, შორით.  
მზე კვლავ ჩამოჰკრავს სიხარულის ქნარს,  
წხოვრებას რუხი ფერები მიაქვს...  
და ერთი ვიყი, რომ უფალი მნამს  
და ვდგავარ სადარაჯოზე, მე, აქ!  
ეს, მერამდენედ, დავხურე სკივრი,  
სავსე სევდით და წრემლის გუნდებით,  
შიგ აფენია წარსულის მტკერი  
და ჩემი სულის იაგუნდები!  
შიგ ასვენია თეთრ ღამეების  
შავი ქარები, მღვრიე ნისლეები...  
მანჩრობს გრძნეულის სადავეები,  
თუმც, ღვთიურ მადლით ისევ ვივსებ...  
და ჩემი სულის დარდგამძლე ფარდა  
მზად ვარ, მზის სხივზე, ისევ გავფინო,  
კვლავ უფალს ველი, მე უფალს ველი,  
რომ სულის სკივრი გადავარჩინო!

## მთვარეული

სულში, როგორც მთვარეული,  
შემოსახლდნენ ღამეები,  
ვით რის ფონზე არეული,  
შავი, შნელი „რამეები“...  
ღრუბლები და უძილობა,  
ლუწიფერი - „კამეებით“!  
და ღანდები სიზმარეულ,  
ფერდაკარგულ მთვარეებით...  
ავსულთ კრებულის ერთვის ნება  
შენი გულის ზაგეების!  
თიქოს, ღიბრი გადაეკრა,  
ავად არის მთა-ველები...  
ჩამისახლდნენ თეთრ სიზმრებში  
უძნო, მრუმე ღამეები...  
ქრუანტელად მივლის ტანში  
იმ ავსულის „რამეები“!..

2019 წლის 16 იანვარს, ხაშურის მხარეთმცოდნეობის მუზეუმის ლიტერატურულმა სალონმა, „ცხოვრება ლიტერატურაში“ – ამ სახელწოდებით პროექსა და პედაგოგს, **ხათუნა ჩიტაძეს** უმასპინძლა. სალამოს სალონის დამფუძნებელი **მურად მთვარელიძე** უძღვებოდა.  
„ლიტერატურული ხაშური“ ულოცავს ხათუნა ჩიტაძეს დაბადების დღეს და გთავაზობთ მის ახალ ლექსებს.

ვნერ!

ვნერ,  
გარს მარტყია ჩემი სამყარო,  
ყველა სიზმარი აქ არის, წხადლივ!  
რას რომ წქრიალა რითმა ავყარო  
და მზეს მივართვა ლექსი, ვით მადლი!  
ვნერ!  
ყვავილებად ფიქრს ეკონება,  
თითებს მიზნობენ  
ლექსის ფთილეები...  
და იმ ნუთების კვლავ მოგონებას  
მერ, შვილებივით გავეჭირები.  
ვნერ!  
ღედამინა ვისთვის წრე არის,  
ზოგისთვის ფუძე და ქვაკუთხედი!  
მთავარია, რომ წაზე მზე არის -  
ამ ღედამინის ნათელი ხიდი...  
ვნერ!  
სიძლიერეს არ უჩანს ზოლო,  
ტკივილი, მანჩრ, თავის გზით მიდის...  
ეს მე ვარ, შენი თავი და ზოლო,  
და, შენ კი, ჩემი წხოვრების გიდი!  
ვნერ!  
უსასრულოდ!  
დაულაღავად!  
მთელი სამყარო ახლა ჩემშია,  
რითამ სიშიშველე დაუფარა მათ,  
ვინც ვერ იჭირა, -  
შვეზა ლექსშია!  
ვნერ!..

\* \* \*

და, მე, ზელურების ნაფეხურებს,  
ისე ვითვლი, როგორც წლების საგზაღს.  
ზედს არ ვერჩი, რომ არ დამემდუროს,  
ღმერთი ხედავს, ზერით, მტყუან-მართაღს!  
ეფინება სულის თეთრი ქარვა  
მოგონებებს, სადაჯ არ ჩანს გესლი!  
ველოდები... (სადღარ ჩაიკარგა.)  
წხოვრების მშვილდს, - ისარს როდის მესვრის!  
მე კი, ზელურების ნაფეხურებს  
ისევ გზას ვუნათებ წმინდა სანთლით,  
გულში ვკონავ სიტყვით ნამზეურებს  
და მტრებს მზის სხივებს არ დავამადლი!